

IV PREMIO DE INVESTIGACIÓN SOBRE O CAMIÑO DE SANTIAGO E DAS PEREGRINACIÓNS - 2021

Co obxectivo de fomentar o coñecemento histórico e actual do Camiño de Santiago e das Peregrinacións, así como a promoción e difusión dos valores a eles asociados nas súas diferentes facianas, cumprindo deste xeito cos fins para os que foi creada, a Cátedra do Camiño de Santiago e das Peregrinacións da USC convoca os **IV Premio de Investigación sobre o Camiño de Santiago e as Peregrinacións** coas seguintes

BASES DA CONVOCATORIA

1.- DESTINATARIOS/AS

Poderán presentarse a estes premios todos/as os/as investigadores/as de nacionalidade española ou estranxeiros/as que teñan publicado durante **o ano 2020** un traballo en formato de libro de autoría individual ou colectiva, ou defendido unha tese de doutoramento, que tivera como tema de estudo o Camiño de Santiago ou as Peregrinacións baixo diversos aspectos (históricos, culturais, xeográficos, turísticos...).

É condición inescusable para seren aceptados a consideración polo xurado, que o traballo non teña obtido ningún premio anteriormente.

2.- PREMIO

Outorgarase un único premio en metálico de 1.000 € para libros publicados con ISBN e teses de doutoramento inéditas, que irá acompañado dun diploma acreditativo.

No caso de que houbera máis de un traballo premiado, o importe do premio repartirase en partes iguais.

Poderán presentarse en calquera idioma, pero de vir noutro diferente ás linguas oficiais da USC, deberán estar acompañados dun resumen de 1.500 palabras en galego, castelán ou inglés.

No caso de que o xurado considere que ningún dos traballos presentados acada un nivel axeitado, poderase declarar o premio deserto.

O pagamento realizarase por transferencia bancaria, aplicándose ao importe do premio as retencións legais pertinentes (IRPF).

3.- SOLICITUDES

As persoas interesadas en participar no presente premio e pertencen á USC deberán presentar a súa solicitude na sede electrónica da Universidade: <https://sede.usc.es/sede/publica/persoais/rexistroEntrada/acceso.htm> indicando en asunto IV Premio de Investigación sobre o Camiño de Santiago e as Peregrinacións e acompañando a súa solicitude dos seguintes documentos:

1. Impreso de solicitude (para o caso de presentación de forma presencial, segundo o modelo que se recolle como anexo a esta convocatoria).
2. Copia do Documento Nacional de Identidade ou pasaporte (salvo estudantes, profesores e investigadores da USC).
3. Copia do traballo publicado ou da tese de doutoramento.
4. No caso de presentar unha tese, certificación académica coa cualificación da mesma (agás que fóra defendida na USC).
5. Un resumo do traballo ou a tese de máximo 5000 palabras en galego, castelán ou inglés, no caso de que non estea redactada nun dos idiomas oficiais da USC.
6. Declaración responsable indicando que o libro ou a tese non obtivo ningún premio anteriormente.
7. Autorización escrita á Cátedra do Camiño de Santiago e das Peregrinacións da USC para someter o traballo a programas antiplaxio.

As persoas interesadas que non pertencen á USC, deberán utilizar os medios de presentación descritos anteriormente pero, ademais, poderán presentar a solicitude e documentación correspondente de forma presencial na oficina de asistencia en materia de rexistros do Campus de Santiago de Compostela (sito no Colexio San Xerome, Praza do Obradoiro s/n, 15782, Santiago de Compostela), na oficina de asistencia en materia de rexistros do Campus de Lugo (sito no edificio da Biblioteca Intercentros, 27002 Lugo), ou naqueles lugares establecidos no artigo 16 da Lei 39/2015, de 1 de outubro, de procedemento administrativo común das administracións públicas.

No sobre que se achegue deberá figurar no anverso deste o seguinte:

IV Premio de Investigación sobre o Camiño de Santiago e as
Peregrinacións
Cátedra do Camiño de Santiago e as Peregrinacións.
Facultade de Xeografía e Historia
Praza da Universidade s/n
15782, Santiago de Compostela

O envío do traballo, ademais de seguir o procedemento anterior no caso de presentación non telemática, deberá realizarse en formato pdf por correo

electrónico ao enderezo da cátedra:
catedra.caminodesantiago@usc.es para o seu sometemento ao programa antiplaxio.

Tamén será obrigatorio o envío a través do citado enderezo electrónico no caso de que o exemplar do traballo ou tese supere os 4 Mb e non poda xuntarse á solicitude electrónica.

Nos días seguintes ao remate do prazo de presentación de solicitudes publicarase unha lista provisoria de solicitantes no taboleiro electrónico da USC.

Os/as aspirantes excluídos/as, disporán dun prazo de cinco (5) días hábiles, contados a partir do día seguinte ao da publicación desta, para poder emendar os defectos que motivaron a exclusión.

Unha vez publicada a resolución do xurado, os/as concursantes poderán recuperar a documentación presentada durante os seguintes tres meses. Transcorridos tres meses sen que fóra solicitada será destruída.

No caso das teses de doutoramento premiadas, a dirección da Cátedra resérvase o dereito de publicación en formato libro, previa autorización do autor.

4.- Prazo:

O prazo de presentación abrirase ao día seguinte da publicación da presente convocatoria no taboleiro electrónico da USC e pecharase sesenta días naturais despois.

5.- XURADO DE SELECCIÓN

O xurado do presente premio estará formado polo director da Cátedra, os dous co-directores da cátedra e, se se estima oportuno, por ate dous asesores designados polo director da Cátedra en función da lingua na que se presenten os textos.

Criterios de valoración:

- A orixinalidade do traballo (25%)
- As novidades das súas achegas ao coñecemento dos temas estudados (25%)
- A actualidade e calidade da súa metodoloxía (25%)
- As calidades formais dos textos: calidade da redacción, xeito de presentar e estruturar a información e calidade do aparato gráfico, caso de existir (15%)
- A bibliografía citada (10%)

O fallo do xurado será inapelable e farase público no taboleiro electrónico da USC, así como por outros medios que se estimen oportunos.

A entrega do IV Premio de Investigación sobre o Camiño de Santiago e das Peregrinacións do ano 2021 será feita polos responsables da Cátedra en acto público.

O xurado poderá realizar unha análise automatizada de control da vulneración de dereitos da propiedade intelectual. A partir desa análise, se o xurado observa que se vulneraron os citados dereitos desestimarás o traballo presentado sen prexuízo da responsabilidade en que se poda incorrer.

Todos os actos derivados da presente convocatoria publicaranse no taboleiro electrónico da USC e na páxina web da Cátedra do Camiño de Santiago e das Peregrinacións <http://www.catedradelcaminodesantiago.com>

A participación no concurso implica necesariamente a aceptación do que se expón nestas bases.

Contra a presente resolución, que esgota a vía administrativa, poderá interpoñer recurso contencioso-administrativo ante o xulgado do contencioso-administrativo de Santiago de Compostela no prazo de dous meses a contar desde o día seguinte á súa recepción, de conformidade cos artigos 46 e 8.2.a) da Lei da xurisdición contencioso administrativa, aprobada por Lei 29/1998, do 13 de xullo.

Non obstante, os/as interesados/as poderán interpoñer recurso potestativo de reposición no prazo dun mes perante o órgano que o ditou. Neste caso non se poderá interpoñer o recurso contencioso-administrativo anteriormente indicado en tanto non recaia resolución expresa ou presunta do recurso administrativo anteriormente indicado en tanto non recaia resolución expresa ou presunta do recurso administrativo de reposición, ao abeiro dos artigos 123 e 124 da lei 39/2015, de 1 de outubro, de procedemento administrativo común das administracións públicas.

Santiago de Compostela, abril de 2021

Gumersindo Feijoo Costa

O vicerreitor de Planificación Tecnoloxías e Sustentabilidade

(por delegación de competencias, RR. do 30/04/2020 e publicación no DOG do 11/05/2020)

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

Sinatura dixital / Firma digital / Digital signature

Asinante/Firmante/Signer: GUIMERSINDO FEIJOO COSTA, VICERREITOR DE PLANIFICACION TECNOLOXIAS E SUSTENTABILIDADE, UNIVERSIDAD DE SANTIAGO DE COMPOSTELA, 18/04/2021 17:31:20.

CSV: CB4E-CBFF-40DE-99C5

IV PREMIO DE INVESTIGACIÓN SOBRE O CAMIÑO DE SANTIAGO E DAS PEREGRINACIÓNS - 2021

Anexo: Modelo de solicitude

DATOS PERSOAIS

Nome:	Apelidos:	
D.N.I./C.I.F./Pasaporte, nº:	Correo electrónico:	Teléfono:
Alumno/a de (no seu caso):		

MEDIO E LUGAR DE NOTIFICACIÓN(*)

Mediante comparecencia en Sede Electrónica.

Correo postal:

Dirección:			
Localidade:	Provincia:	Código postal:	País:

EXPÓN QUE:

--

Acompáñanse os seguintes documentos:

SOLICITA:

--

_____, a _____ de _____ de _____
(Sinatura)

Sr./a. director/a da Cátedra do Camiño de Santiago e das Peregrinacións
Facultade de Xeografía e Historia

De conformidade coa Lei Orgánica 3/2018, de 5 de decembro, de Protección de Datos Persoais e garantía dos dereitos dixitais e co Regulamento UE 2016/679, os datos serán incorporados no tratamento denominado "Rexistro de documentos", cuxa finalidade é ter constancia dos asentos de entrada e saída de documentos dos rexistros xerais e auxiliares ou Oficinas de asistencia da Universidade de Santiago de Compostela.

O responsable do devandito tratamento é a Secretaría Xeral da USC, cuxos datos de contacto son Praza do Obradoiro, s/n, 15782- Santiago de Compostela, mail: sec.xeral@usc.es, teléfono 881811009.

O Delegado de Protección de Datos é José Julio Fernández Rodríguez, dpd@usc.es

A base de xustificación deste tratamento é a realización de funcións públicas administrativas correspondentes á prestación do servizo de educación superior (Lei Orgánica de Universidades e na Lei autonómica 6/2013, do Sistema Universitario de Galicia).

Poderanse ceder datos a administracións públicas con competencias na materia, e nos supostos de obrigacións legais.

As persoas interesadas poden exercer os dereitos de acceso, rectificación, supresión, limitación de tratamento, oposición e portabilidade a través de Sede Electrónica en <https://sede.usc.es/sede/publica/catalogo/procedemento/55/ver.htm>.

Tamén poden dirixirse á Axencia Española de Protección de Datos para realizar a reclamación que consideren oportuna.

Os datos serán conservados durante o período no que se realice a finalidade para a que foron recollidos, ou o tempo necesario para cumprir coas obrigacións legais. Cumprida a finalidade, os datos que non formen parte da prestación do servizo público bloquearanse ata que transcorran os prazos de prescrición aplicables.

A política de privacidade e protección de datos da USC pódese consultar en <http://www.usc.es/gl/normativa/protecciondatos/Politica-privacidade.html>